



Envolvimentu Parseiru

Envolvimentu estratéjiku no kompromisu forte (metin) ona husi ministérius governu nian mak hanesan SEII, MSSII, MoH, PNTL, MEJD

Enkontru 6 husi Grupu Referénsia Nasionál Sociedade Sivil (GRNSS/CSNRG)

Enkontru 3 husi Grupu Traballu Jéneru no Protesaun, ho membrus 135, ba resposta COVID-19 iha área jéneru no protesau ne'ebé koordinadu



Parserias Sociedade Sivil

Organizasaun Sociedade Sivil (OSS) sira **16**, inklui LGBTQI grupu 2 no PwD grupu 1, ho kapasidade forte (metin) ona para responde ba VKFLF; hetan asesu ba fundus **millaun \$1.6** Dólar EUA ba programasaun EVKFLF



Kondisaun Finanseiru

Programa utiliza ona **millaun \$2.8 Dólar EUA**, ne'ebé 72% husi fundus ne'ebé simu ba parte dahuluk (primeira parte) nian, no 29% husi total orsamentu ba programa ne'e iha Faze Dahuluk (Primeira Faze)



Alkanse Spotlight

Partisipantes na'in-393 hamutuk ona ba Lansamentu Nasionál no **partisipantes na'in-259** jhamutuk ona ba Lansamentu 3 Munisipiu nian

Sumáriu Ezekutivu

Dezde Inisiativu Spotlight hahú iha Timor-Leste iha fulan-Janeiru, tinan 2020, nia kontribui tiha ona ba mudansa ida transformasionál no sustentável iha programa ne'e ninia pilár neen hotu, hodi elimina violénsia kontra feto no labarik-feto sira (EVKFLF/EVAWG), espesialmente violénsia doméstika (VD) no violénsia parseiru íntimu (VPI). Bazeia ba reformas ONU nian, no iha parseria ho Uniaun Europeu (UE), inisiativu Spotlight apresenta tiha aproximasaun ida kolektivu no komprensivu hodi responde ba VKFLF, ne'ebé ho importánsia atu hametin relasaun (ligasaun) sira entre parseirus no atividades. Delegasaun UE iha país ne'e oferece tiha ona inputs kona-ba alvu sira no alkansa no kontribui ona ba análise kontínua kona-ba kontekstu polítika no operasionál, bazeia ba sira-nia ligasaun sira. Durante implementasaun tinan dahuluk nian, país ne'e hetan ona benefísiu husi inter-ajénsia koordinadu, esforsus multi-setorál hodi prevene no responde ba VKFLF liuhusi hala'o atividades promosaun ba normas ekuidade jéneru ba nivel individuál, interpersonál, institusionál no sociedade sira hotu. Inisiativu Spotlight ne'e promove tiha atensaun boot liu ba VKFLF iha nivel doador no parseiru implementador hanesan parte ida husi resposta ba COVID-19 no apoia tiha prestador sira servisu seguransa no saúde nian para apoia di'ak liu sobrevivente sira iha kontekstu restrisaun sira ne'ebé relasionadu ho pandemia ne'e. Inisiativu ne'e posibilita tiha organizasaun sociedade sivil (OSS) sira 16, metade husi sira-ne'e feminista/organizasaun ba direitos feto nian, hodi asesu ba fundus millaun \$1.6 Dólar EUA ba programasaun HVKFLF nian, ne'ebé esensial para aseguara katak OSS sira bele reziste ba krizi COVID-19 no kontinua hala'o sira-nia knaar (servisu) ne'ebé krítiku (sériu) ho feto no labarik-feto sira iha Timor-Leste. Total benefisiáriu diretu iha ema na'in-268,119, ka 21% husi total populasaun Timor-Leste nian, ne'ebé hetan ona durante tinan dahuluk husi Inisiativu Spotlight.



Dezenvolve komprensaun no asaun kona-ba VKFLF

Membrus **PNTL/VPU** na'in-**259** (feto 148, mane 111) hasa'e ona kapasidade hodi hala'o Investigasaun ba Asaltu Seksuál no Abuzu ba Labarik

Prestadór sira **kuidadu saúde** na'in-**442** (mane 150, feto 292) ho koñesimentu elevadu kona-ba Ezaminasaun Báziku VBJ, dokumentasaun no resposta ba VBJ no COVID-19 iha nivel nasional no munsípiu

Funionáriu **SEII** na'in-**11** ho koñesimentu boot liu kona-ba "Fraude & Jestaun Finanseiru"

Membrus **KSTL** na'in-**14** (mane 8 no feto 6) treina ona kona-ba VBJ

Membrus **CCI, AEMTL & SEFOPE** na'in- **80** (mane 39, feto 41) treina ona kona-ba VBJ



Vizibilidade Spotlight no alkansu ba mudansa komportamentu (atitude)

Ema na'in-**265,837** (feto 112,136; labarik-feto 5,459; mane 142,806; labarik- mane 5,436) ne'ebé atinji ona liuhusi kampaña sira Spotlight nian ne'ebé dezafiante ba normas sosiál negativu no estereótipu jéneru

Ema na'in-**550,570** ne'ebé hetan ona liuhusi média sosiál iha vizibilidade Spotlight

Inisiativu Spotlight kria tiha evidénsia hodi hadi'a **kuadru legál no polítika** liuhusi Liñabaze Justisa ba Jéneru ida-ne'ebé avalia tiha polítika no lei (lejizlasaun) husi perspetivu jéneru. Ida-ne'e prepara baze (fundamentu) ba advokasia polítika iha tinan 2021 (Tinan daruak husi programa ne'e), inklui hanesan parte dezenvolvimentu nian ba Planu Asaun Anuál kona-ba Violénsia Bazeia ba Jéneru (NAP GBV). Liuhusi liñabaze programa ne'e, iha tiha ona avaliasaun ida kona-ba aspetu xave (prinsipál) sira ba implementasaun **PAN VBJ**, ne'ebé sei asegura katak ninia revizaun iha tinan 2021 nian bazeia ba evidénsia no envolve hirak-ne'ebé iha risku liuhotu hodi hela iha kotuk. Programa ne'e estabese tiha ona parserias ho instituisaun xaves Estadu nian para atu hametin **kapasidade institusionál** sira hodi responde ba VKFLF, espesialmente **mekanizmus koordenasaun nasional no sub-nasional**. Inisiativu ne'e kontribui tiha análise, ida-ne'ebé bele apoia advokasia ba orsamentu sensível ba jéneru no planu sira, ba **alokasaun orsamentu nasional** kona-ba resposta no prevensaun ba EVKFLF. Inisiativu Spotlight ne'e dezenvolve tiha mensajen públiku kona-ba harahun siklu violénsia nian ba halo promosaun ba **prevensaun no mudansa komportamentál**, hasa'e vizibilidade abut problema sira-nian no fatór sira risku ba violénsia. **Kualidade no asesibilidade ba servisu** ne'ebé hadi'a tiha ona liuhusi hasa'e koñesimentu no abilidade ba portadór sira ba devér (espesifikamente pesoál saúde sira) hodi presta servisu esensiál ho kualidade di'ak liu. No mós, Inisiativu ne'e apoia tiha titulár ba direitu, mak hanesan ema feto no defisiénsia sira no Lesbian, gay, biseksuál, transgender ka interseksu (LGBTI) para atu aumenta tiha informasaun no asesu ba servisu hirak-ne'e. The Inisiativu ne'e kria tiha ona análise hodi hadi'a **uzu no kualidade dados kona-ba VKFLF**, halo preparasaun tan ba investimentus hodi hasa'e dados literasia no uzu ba funsionáriu Governu relevante no parseirus sosiedade sivíl sira. Finalmente, Inisiativu Spotlight ne'e hametin ona envolvimentu ho sosiedade sivíl liuhusi

estabesimentu Grupu Referénsia Nasional Sosiedade Sivíl (GRNSS/CSNRG) no akordu parseria sira hotu nian ba pilár neen, ne'ebé dezenvolve husi kolaborasaun forte ho sosiedade sivíl hahú dezde programa ne'e nia dezeñu. GRNSS/CSNRG ne'e fó ona orientasaun ba programa ne'e relaciona ho ajustamentus no resposta ba COVID-19, fasilita tiha ligasaun sira ho foku iha munisípiu tolu no enkoraja tiha sosiedade sivíl mane-faluk (viúvu) iha Spotlight liuhusi sira-nia kontribuisaun sira ba lansamentu sira iha nasional no munisipál nian. Aleinde ne'e,

GRNSS/CSNRG lidera ona ekipa Spotlight hodi integra prinsípiu “la husik ema ida iha kotuk” ho ninia esforsus tomak hodi envolve sociedade sivil no mós durante programasaun ne’e tomak ho komprehensivu.



Apoiu ba Sobrevivente sira

Ema feto na'in-3,511 (feto 3,141, labarik-feto 369 ho idade tinan 19 mai kraik) ne'ebé relata tiha sofre ka esperiensa violénsia física ka seksuál no buka tiha ajuda husi setór polísia, justisa no servisu sosiál

Kazus 1,319 relata tiha ba ofisiál sira justisa nian; kompara ho tinan kotuk, dala-rua liu fali número kazus iha tinan uluk (anteriór) nian – kazus 76 – lori ona ba tribunál; kazus 19 mak hetan ona kondensasaun.

Feto no labarik-feto sira na'in-60 nu'udar sobrevivente husi violénsia no sira-nia família sira hasa'e ona sira-nia koñesimentu kona-ba kualidade servisu esensiál, no akompañamentu/apoiu



Benefisiários

Benefisiários diretu na'in-268,119, ka 21% husi totál populasaun Timor-Leste, ne'ebé hetan (atinji) ona durante tinan dahuluk husi Inisiativu Spotlight

To'o lora 31, fulan-Dezembu, tinan 2020, programa ne'e utiliza ona millaun \$2.8 Dólar EUA, ne'ebé 72% husi fundus ne'ebé simu tiha ba parte dahuluk (primeira parte) nian, no 29% husi totál orsamentu ba programa ne'e iha Faze Dahuluk (Primeira Faze). Inisiativu Spotlight ne'e konsege ona halo rekrutamentu ho di'ak (susesu) ba pesoál sira iha RUNOs lima hotu durante fulan neen dahuluk nian no hetan rezultadu sira ne'ebé mensiona tiha, apezárde dezafius ba implementasaun tanba COVID-19. Pandemia ne'e hamosu restrisaun ba movimentu (tantu tama mai no iha Timor-Leste laran), ne'ebé hamenus tiha Inisiativu ne'e ninia asesu ba especialista téknika esternu no limita tiha atividade sira ne'ebé halibur ema ne'ebé planeia ona. Organizasaun parseirus (tantu governu no sociedade sivil) muda tiha husi foku insiál ida kona-ba pesoál no bein-estár beneficiáriu nian hodi fó atensaun boot liu ba medidas mitigasaun no resposta ba COVID-19 ho mosu finansiamentu emergjénsia, dada atensaun dook husi esforsus EVKFLF ne'ebé hala'o hela dadaun. Estado Emerjénsia (EdE) nasional dahuluk foti (adota) tiha iha finde Marsu 2020 no renova subsekuentemente to'o finde Dezembu 2020. Ne'e rekere ona Spotlight atu kontinua adapta nafatin, asegura katak parseirus nia planus ne'ebé risku ba COVID no konsidera impaktu regulamentu sira-nian ba atividade sira.

Importante atu anota katak apezárde prevalénsia VKFLF aas iha país no mudansas ne'ebé lalais tebes hodi hala'o servisu (especialmente servisu husi uma) durante inísiu fulan rua ne'ebé restrita tiha movimentu sira, Inisiativu

ne'e hetan susesu hodi investe tempu atu asegura pesoál no bein-estár parseiru nian, tanba sira tama ona iha ekipa Spotlight. Ida-ne'e refleto ekipa ninia kompromisu hodi implementa programa ne'e bazeia ba prinsípiu 'La Halo Ofensa' no rekoñese importánsia koñesimentu/komprensaun pesoál nian kona-ba prátika programasaun EVKFLF para atu bele atinji rezultadu ne'ebé di'ak liuhotu ba feto no labarik-feto sira.